

大藏聖教法寶標目卷第五

元清源居士王古撰

卷五

大方便佛報恩經七卷 覆

右佛於往昔劫中孝養父母乃至捨身命
血肉救濟父母為報重恩及求無上菩提

無量福報

佛說法集經六卷 器

累劫修積難行苦行種種因緣第六卷優
波離品詳說受三歸依及持犯齋戒種種
功德罪報經末說三十二相因果法
菩薩本行經三卷

右說佛因地為求佛法施捨身命利益衆

生供養法師等種種苦行因緣及五百羅
漢各各自說往昔善行致生天得道因緣
但或掃塔或散華或施辟支佛一飯或獻
一草塗或以一偈讚佛等皆致生天得道

果報六通三明八解脫八勝處十一切入
十自在十諦九定十力十智六度四念六
念等種種勝妙法義

觀察諸法行經四卷

右佛說五百三十五菩薩法行皆由三摩
地心觀察故則能了知何等法應親近應
念修應多作不應親近不應念修不應多
作等種種法門

菩薩處始經一卷 欲

右佛自兜率天降神入母胎現處宮殿為

諸方來供養菩薩廣說法要化度無量衆
現入六道種種化身度諸衆生說無盡寶
法藏分別五種非實神通菩薩得六通慧
復說佛宿命作日月天子五星二十八宿
及作人天神仙外道更無量苦行無過涅槃
第五可謂真道說八關齋是諸佛父母龍受
八關齋戒金翅鳥不能害帝釋受之脩羅
戰不能勝如是等法不可具載佛涅槃後
賢聖結集最初出經此為第一

弘道廣顯三昧經四卷

右無熱惱龍王請佛菩薩大弟子等於阿
耨達池宮殿中半月供養諸佛願說菩薩
大士應所修行法門得諸佛法相好具足
得普智心修習道品文殊迦葉須菩提等
問答未授無熱王菩提記

施燈功德經

右佛說於佛像經法舍利前以一燈至多
燈供養照道一階或塔一面或時速滅或
風吹滅或油炷盡雖施少燈其福報不可
思議無量無邊惟佛能知非聲聞緣覺能

了於現在世得三種淨心臨命終時得三
種明見四種光明生天得五種清淨得四
種可樂之法得三業善友清淨於世世中
得八種勝法得八種資糧八種增上之法
廣如本經

央掘魔羅經四卷 難

右此唐言指鬘受外道教殺一千人取指
爲鬘以血塗身而少一人佛往化度而現
其前說偈問答即調伏受度指鬘說摩訶
衍如來藏法說偈阿難釋梵護世魔王諸

大弟子菩薩等佛言菩薩成就四十相者即非新學菩薩佛言央掘摩羅是南方一切世間樂見上大精進佛文殊是北方歡喜藏摩尼寶積佛指鬚母及指鬚師婦踴身空中說偈而沒不現佛言三人皆我所幻化不可思議度無量衆生無所有菩薩經四卷

右無所有菩薩問佛菩薩若有染有著有繫有犯如何遠離超越成一切智修習圓滿一切功德佛說此經令諸菩薩於一切

法中無有障礙有難調伏殺害人者過去瞋恨謗毀菩薩故五百生中生生受毒蛇身害無數衆生死入大地獄最後生刑殺人家殺人飲血廣造惡業見佛光明勝妙發慙愧心自歎惡劣又聞佛與無所有菩薩問答空法心智猛利即得斷漏除瞋恚分別煩惱顛倒受成佛記無所有菩薩說法而不現身以身相勝妙惟除如來在三界中無有勝者諸女人見此菩薩身相聞法皆變身爲男子

明度五十校計經二卷

右六波羅蜜等法能越生死到彼岸故名
明度五十種法行校比計度於諸法中相
應不相應有罪無罪煩惱盡未盡諸相具
未具功德滿未滿等

中陰經二卷 量

右中有身具足五陰在死有後居生有前
二有中間故名中陰佛具不思議神變力
故教化一切中陰衆生斷惡修善七十八
億百千那由他住中陰衆生發菩提心

大法鼓經二卷

右佛與迦葉問答上乘義種種譬喻化城
貧子等喻如法華經後說離車童子降魔
護法受記作佛

文殊師利問經二卷

右文殊問世尊答說種種法義戒品字母
品雜問品問答諸法義住家過患出家功
德入定見十方佛及呪華療治等法

月上女經二卷

右維摩居士女也生時有大光明故名月

上自說往因後詣世尊供養與舍利弗諸

菩薩問答法要轉身爲男子佛記後八萬

億劫當得作佛號月上如來

如來祕密藏經二卷

右說菩薩種種行法

大乘密嚴經三卷

卷五 墓

右有淨佛土超出三界殊勝淨妙名曰密

嚴諸菩薩衆皆是智慧神足意生之身如

日月明珠鏡中之像而來住此諸菩薩問

金剛藏菩薩答廣說微妙不可思議法門

占察善惡業報經二卷

右地藏菩薩說上卷以木輪占察三世善

惡因果業報一百八十九種等事下卷說

一切諸法依心爲本廣說大乘進趣方便

深要法門說是究竟實義時十萬億衆生

發菩提心九萬八千菩薩得無生法忍佛
深讚喜

文殊師利問菩薩署經

右佛說諸菩薩所當學諸菩薩所依住法

觀行境界藏識等義

蓮華面經二卷

右如來於入涅槃三月前入跋提河洛告
阿難言汝可至心觀如來身三十二相久
遠乃現難出難見日月有大威德光明在
佛身邊悉敵不現釋梵諸天王等常讚歎
佛光明殊勝如來舍利如芥子恭敬供養
者所得功德無量無邊阿僧祇不可數不
可說次說佛付囑八部天龍夜叉王等護
持佛法佛鉢舍利佛涅槃以後至彌勒佛
時放大光明作大利益等事

大乘造像功德經二卷

右佛在天宮安居三月為母說法優陀延
王渴仰思佛故發願造像毗首羯磨天工
巧無匹變身爲匠者即以是月初八日弗
沙宿合毗婆訶底出現之時佛初誕生時
起作不日而成佛於三道寶階從天而下
兩邊階道皆黃金成中道琉璃足所踐處
第2
布以白銀諸天七寶而為閒飾諸天翼從
威德熾盛光明赫奕如滿月在空衆星共
遶如旭日初出彩霞紛映梵王執白蓋在

右帝釋持白拂侍左諸天乘空隨佛而下
側塞虛空音樂妙香雨華積至于膝半路
四天王獻供殊妙劫初已來所未曾有佛
告優陀延王汝於我法中初爲軌則更無
有人與汝等者今諸衆生得大信利已獲
無量福德廣大善根天帝告王佛在天上
讚王造像功德諸天悉亦隨喜宜自欣慶
佛說若有人以雜絲繢飾或金銀銅鐵鉛
錫鎔鑄或雕刻織繡或白灰丹土若泥若
木乃至極小如一指大獲種種福報功德

無量無邊不生邊小國土下劣種性不淨
都見貧窮之家生人天中圓滿超衆無諸
痛苦不爲毒藥兵仗諸橫緣所傷害不受
苦報及說女人受男身男子受女身黃門
二形不男邊夷受生等因緣若造佛像皆
免所減種種罪所獲種種福詳如本經廿五
廣大寶樓閣善住祕密陀羅尼經三卷七
右說寶樓閣陀羅尼殊勝功德種種印呪
求願持誦等法

一字佛頂輪王經五卷

右說此諸呪王是無礙最勝大明呪法及
結界建壇畫像供養澡浴誦持輪結印呪
入三摩地證神通除業障降伏魔怨種種
求願殊勝成就等法

大陀羅尼末法中一字心呪經

右說此陀羅尼勝妙功德印畫壇場種種
求願降伏呼召等法

大佛頂如來密因修證了義諸菩薩萬行首
楞嚴經十卷 緜

右阿難爲大幻術摩登伽女呪攝將毀戒

體世尊頂放百寶光明光中千葉寶蓮有
佛化身坐宣神呪阿難歸來佛所佛說此
經名大佛頂首楞嚴王具足萬行十方如
來一門超出妙莊嚴路七處徵心八還辯
見飛光擊觸寶手開合顯真性不動自心
妙明常光現前性周法界歇即菩提不從
人得文殊選擇諸聖二十五圓通以觀音
從聞入道爲此方真教體五濁十二類衆
生受生源因修三漸次方得除滅從乾慧
地修行增進十信十住十行十回向四加

行十地等妙二覺五十五位十因十類七

趣三界生業因緣十種禪那五陰區宇種

種魔事次說修三摩地斷殺盜婬妄道場

持呪修證功德佛言若人以七寶滿十方

虛空奉上微塵諸佛承事供養所得福德

不如以一念卷五將此法門開示末學若人身

具四重十波羅夷應入阿鼻獄是人罪障
應念消滅如教行道直成菩提無復魔業

大毗盧遮那成佛經七卷

染

右說十佛刹微塵數執金剛神祕密主問

佛受持真言曼茶羅壇場印像護摩字輪
法義鈴杵供養願求修證種種法門

蘇婆呼童子經三卷

右童子請問執金剛菩薩世間受持真言
不得成就爲法不具耶爲無力耶有罪耶
爲真言字有加減耶菩薩爲說受持真言
壇場供養除障分別金剛杵等成就遮難
種種法門

金剛頂念誦經四卷 詩

右於百千頌中金剛頂大瑜伽教中略說

等種種法式

七佛十一菩薩陀羅尼經四卷 讀

右諸佛菩薩釋梵龍天星辰各說神呪利益衆生滅罪求福拔苦治病修道證果治種種鬼病受持求願等法

大吉義神呪經二卷

右佛說結呪界法擁護衆生辟却權伏一切惡毒鬼神羅刹夜叉等并種種求願法諸天龍王各各說降伏惡毒利益衆生呪法

壇場印呪松密法門持誦供養得無量功德利益圓滿一切願求盡衆生界救護利樂

蘇悉地羯羅供養法經三卷

右說嚴淨神室潔浴供具數珠神線草環

寶座護身結界誦持求願法

牟黎曼陀羅呪經

右誦持此呪有大功德自一百八徧至百

萬徧各有種種應驗消一切災病罪障滿一切祈求志願結印結界建壇場護摩爐

文殊法寶藏陀羅尼經

右說諸佛菩薩陀羅尼及印畫持誦種種

求願法利益衆生不可思議功德

金剛光焰止風雨陀羅尼經

右說降伏諸惡毒龍惡風暴雨保護衆生

及苗稼華果等種種神呪加持法

阿吒婆拘鬼神大將土佛陀羅尼經

右說降伏一切惡毒鬼神蟲獸救護諸難

阿彌陀鼓音聲王陀羅尼經

右說持咒往生淨土十日十夜晝夜六時

專念決定見佛此咒六十餘句
大普賢陀羅尼經

右說種種治鬼病法

大七寶陀羅尼經

六字大陀羅尼經

右二經說持呪能除一切怖畏安穩利樂
安宅經

右說保安家宅辟除不祥祈福利人法
摩尼羅會經

右說除治種種鬼病法

玄師飈陀神呪經

右說辟除鬼神蛇蟲賊劫法

護諸童子陀羅尼經

右說保護小兒并求子息法

諸佛心陀羅尼經

拔濟苦難陀羅尼經

八名普密陀羅尼經

右三經並說持誦種種功德

持世陀羅尼經

右說持誦神呪貧乏者富疾病者安罪障

者消除危懼者安樂

六門陀羅尼經

右說持呪六願利益自他

觀音普賢陀羅尼經

右說種種求願持誦功德

智炬陀羅尼經

卷五

黑

十一

右日月宮中諸佛會集同聲所說後有救
拔五逆罪謗正法人破阿鼻地獄衆生令

解脫法

諸佛集會陀羅尼經

右說持呪增長壽命消除災難

隨求即得六自在陀羅尼經

右共八呪并說種種求願書寫受持畫戴
功德能成就一切善事常爲諸天龍神之
所擁護諸佛菩薩之所憶念一切罪障災
病惡夢不祥悉得消滅并說種種靈驗救
護事

百千印陀羅尼經

右說若造一塔寫此經安置塔中所得功
德如造百千塔等無有異

救面然經

右說阿難夜見一面然餓鬼言却後三日
汝當命盡來生我趣若能布施百千恒河
沙數餓鬼并百千婆羅門及仙人等各令
飽足汝得增壽我得離苦佛說此呪令一
切餓鬼飽足生天施食人具足成就供養
百千俱胝恒河沙數如來功德經末有甘
露陀羅尼令一切餓鬼甘露充足

莊嚴王陀羅尼呪經

右說持呪種種功德命終決定往生極樂

國土

香王菩薩陀羅尼經
一切功德莊嚴王經
拔除罪障呪王經

善夜經

右四經並說陀羅尼持誦求願種種殊勝第十五

功德

虛空藏菩薩能滿一切願陀羅尼求聞持法經

經

右說持呪結印畫像求願於日月蝕時呪

佛垂涅槃教誠經

蘇求聞持等法

曼殊室利五字陀羅尼品經

右說受持此陀羅尼功德及種種印呪修

行法要

觀自在如意輪菩薩瑜伽法要

右說種種印呪求願修行法

佛地經

右說攝大覺地五種法謂清淨法界如來

四智

右與虛字幽遺教經同本異譯

出生菩提心經

右迦葉初見佛佛爲說三乘差別菩薩行

相

佛印三昧經

岱五

右說佛入三昧菩薩聲聞不見佛身說不

得般若波羅密不得成佛

文殊涅槃經

右說文殊現生涅槃德相及觀法

異出菩薩本起經

右說佛因地現生出家學道成佛
千佛因緣經

右說賢劫千佛同一劫中成佛因緣

賢首經

右佛爲洴沙國王夫人說十方佛菩薩名

及女人疾得爲男子法

月明菩薩經

右佛爲月明菩薩說施法及說佛昔爲智

止太子以血肉施病比丘事

心明經

右梵志婦施佛飯汁一杓獲授記事說佛

不以七事笑不以欲不以瞋不以癡不放

逸不利欲不榮貴不爲富饒笑授菩薩聲

聞辟支佛等記乃笑光入項入面入肩入
臍入膝入足各各差別

滅十方冥經

右說持十方佛名功德

魔逆經

右文殊說與念字幽文殊悔過經本相類

鹿母經

右佛昔因地爲鹿母守信就死
德光太子經 羊

右說菩薩種種行法次說佛昔因地捨國
王太子位從佛出家事

大意經

右說佛往昔爲長者子入海求珠作大施
卷五
惠福報功德事

堅固女經

右說堅固女對佛發無上道心現大神力
受菩提記

商主天子所問經

右文殊爲商主等諸天子說諸菩薩入一切智智達一切法彼岸速滿足六度於一切智當修行法勝妙法門

諸法最上王經

右說比丘云何受施能爲人天福田佛說菩薩及發菩提心人種種布施不足爲報與養字幽一切法高王經本同譯別

師子莊嚴王菩薩請問經

右說八曼茶羅最勝法門供養觀音彌勒

離垢慧菩薩所問禮佛經

魔成佛

右說禮十方佛歸依懺悔隨喜回向發願種種法門

受持七佛名號經

右說持七佛名號功德福報

寂照神變三摩地經

右賢護菩薩問種種法佛說是經序品如

虛空藏普賢執金剛文殊止諸障地藏八大菩薩有大功德利益獲大福報乃至降

卷五

十五

念佛三昧卷終似文義未畢

佛臨涅槃記法住經

右佛記涅槃後一千年中法住盛衰次第
正法滅後有國王大臣長者居士等供養
恭敬讚歎護持建立佛法皆是不可思議

菩薩願力與諸有情作大饒益

差摩婆帝受記經

右頻婆娑羅王夫人問佛相好因緣十力

四無畏四無礙十八不共法等佛爲說經
授成佛記

不增不減經

右佛爲舍利弗說法身本際法義
造塔功德經

右說造塔乃至小如菴羅果輪如棗葉以
盛舍利或四句偈功德如梵天

右繞佛塔功德經

右說旋繞佛塔種種功德

大乘四法經

右文殊說大乘種種菩薩修行法門并種
種有障無障善惡夢相

有德女所問大乘經

右有德女供養佛問法發願佛爲授記

大乘流轉諸有經

右說業識如夢迷惑故轉迴

法印經

右佛爲海龍王說四句偈

卷五

十六

師子素駛娑王斷肉經

右說佛往昔因地捨身利生事

妙色王因緣經

右說佛昔因地爲國王求無上菩提天帝

下試捨妻子自身命求法因緣

般泥洹後灌臘經

右說四月八七月十五日以香湯浴佛燒

香燃燈供養獲大福德

八部佛名經

右說持戒功德利益

金剛三昧經二卷 景

右諸菩薩問佛無生實際一味真實法佛說此經後付囑云是經能入如來智海持是經者則於一切經中無所希求攝諸經

要無量義宗種種心地法門

優婆夷淨行法門經二卷

右此經說毗舍佉母問佛修學菩提種種
行門修集相好因果功德乃至如來現生
第十五因緣法門富備非獨優婆夷所行也修行

人宜常讀誦

投身餓虎起塔因緣經

右說佛因地爲太子爲餓虎捨身經捨千
身超劫成佛

樹提伽經

右長者名也其家富盛過於國王此經說

往昔因事

金剛三昧本性清淨不壞不滅經

右彌勒問法雲地菩薩云何入金剛三昧
得成無上菩提佛說此經

師子月佛本生經

右佛說婆須蜜多菩薩往昔因緣於然燈
佛滅後墮彌猴身見一羅漢坐禪取袈裟
披擎香爐繞行供養羅漢爲授三歸五戒
由受戒故命終生兜率天值遇一生補處

菩薩從是以後值佛無數今當次補彌勒
號師子月佛并八萬四千金色彌猴亦受
佛記種種因緣

長者法志妻經

右長者妻豪富自恃捶撻奴婢佛說法教

化即變爲男子佛爲授記

薩羅國經

右佛教化薩羅國王說法授記

十吉祥經

右說十佛名號受持功德

內習六波羅密經

右說六妙門爲六波羅密法

慈心因緣不食肉經

右說釋迦佛因地爲白免王彌勒爲仙人

入山修梵行暴雨七日不得食免王捨身

火中供養故超劫成道

長壽王經

右說佛因地爲國王行慈愛民棄國捨身

事

法常住經

右說有佛無佛法常住故

八大人覺經

右說諸佛菩薩所覺念八事謂世間無常
國土危脆多欲爲苦生死疲勞等事

三品弟子經

四輩經

右二經本同皆佛說弟子在家出家男女

所當禁戒功德罪業行業勝劣等法

長者女菴提遮師子吼了義經

右說有明知生不生相而爲生所留雖自

見

當來變經

右佛說法滅時種種惡事

過去佛分衛經

右說佛因地見佛出家事分衛此云乞食

十二頭陀經

右詳說十二頭陀行十二者一在阿蘭若

明現力未充故若不見生性雖有勝辯談
說甚深典籍即是生滅心說彼實相如盲
辨色因他語故說青黃赤白黑而不能自
見

處二常乞食三次第乞食四受乞食法五

節量食六中後不飲漿七著弊納衣八但

三衣九塚間住十樹下止十一震地坐十

二但坐不卧

法滅盡經

右說當來佛法滅種種事首楞嚴般舟三

昧經先滅

甚深大回向經

右說回向功德福報

天王太子辟羅經

右太子自說往修善因果福事
菩薩調伏藏經二十六部五十四卷

按開元釋教錄云菩薩淨戒唯禁於心聲
聞律儀則防身語故有託緣與過聚徒訶
結菩薩大人都無此事佛直爲說令使遵

行旣無犯制之由故闕訶結之事諸大乘
經明學處者摭之於此爲菩薩調伏藏云
菩薩地持經十卷 行

右說信解行三地亦攝十地此諸地能與
諸菩薩爲所依止處復能出生一切諸菩

薩行故持者能任攝持諸菩薩行願諸波羅蜜故名地持經中說七地六是菩薩地一是菩薩如來共地一者種性地二解行

地三淨心地四行迹地五決定地六決定行地七畢竟地從初發心及修六度萬行卷五
二十一六神通菩提分法及修相好因果等法門詳妙

菩薩善戒經九卷 維

右佛說諸菩薩修習六度萬行三昧六通供養三寶兼利自他修相好業三十七助

道品從初發心至究竟地一切菩薩修學行相法門又名菩薩藏經 淨業障經

右比丘無垢光犯戒憂悔見佛求哀佛說此經復爲授記未來成佛復說往昔勇施比丘犯淫殺戒遇彌勒菩薩說法得無生忍勇施今已成佛號寶月如來是經能破一切惡業結縛除一切閻障

優婆塞戒經六卷 賢

右佛爲長者子說是經廣明三歸八戒五

戒供養三寶六波羅蜜四無量心三種菩
提修三十二相業等法門義豐慧廣非惟

爲在家菩薩修行龜鏡亦出家菩薩之軌
範也趣菩提者所當精勤修學

梵網經二卷

宿五

右此經梵本有一百一十二卷十一六十一品

此是第十菩薩心地一品也羅什法師參
定三乘經論五十餘部惟梵網經最後誦
出別書出此心地一品什每誦持以爲心
首當時三百餘人同誦此一品此經佛說

十重四十八輕戒三世如來同說三世菩

薩之所當學

受十善戒經

右佛說受八戒是諸佛爲在家人制出家
法及說十業善惡因果報應等事

菩薩瓔珞本業經二卷 勅

右佛略說四十二位賢聖名字因果行相
六入明門謂十住十行十向十地無垢地
妙覺地明觀法門亦名六堅六忍六慧六

觀瓔珞者謂銅寶銀金瑠璃摩尼水精如

是六位菩薩以百萬阿僧祇功德瓔珞嚴

持二種法身

佛藏經四卷

右佛說初諸法實相品說諸法無生無滅無相無爲次念佛品說念無分別即是念

佛見諸法實相名爲見佛次念法品次念

僧品第二卷淨戒品說破戒比丘有十憂

惱箭訶叱種種破戒罪相第三卷淨法品

深戒不淨說法得大罪報往古品淨見品說佛昔因累劫修學以有所得故不蒙諸

佛授記是經戒勑切至凡學佛者宜熟觀

誦

菩薩戒本

出地持戒品中
慈氏菩薩說

菩薩戒本

出瑜伽論本地
中彌勒菩薩說

右曇無讖譯似唐譯而略

菩薩戒羯磨文

卷五

右奘法師譯

菩薩善戒經

右說菩薩戒法持犯行相大略與戒本同

菩薩內戒經念

右文殊問佛初發意菩薩以何功德開化衆生佛說懺罪受戒十二時戒法十住功德

喻

舍利弗悔過經

菩薩藏經

大乘三聚懺悔經

右三經皆舍利弗問佛懺悔滅罪速得菩

提佛爲說滅一切業障懺悔勸請隨喜迴卷五
廿三向等法校量所獲福報

菩薩五法懺悔文

右說懺悔勸請隨喜迴向發願謂之五法

菩薩受齋經

優婆塞五戒威儀經
右說種種戒法

清淨毗尼方廣經

寂調音所問經

文殊師利淨律經

右三經本同譯別寂調音天子問文殊答
大乘法義菩薩聲聞不同行相等種種譬

右說菩薩齋戒法及受齋日數解齋法

跋陀羅菩薩經

右文殊問跋陀羅菩薩答悔過發願勸請

迴向等法校量所獲福報

文殊悔過經

右文殊說菩薩懺悔勸請隨喜迴向發願

等法

法律三昧經

右說學菩薩道退轉過失外學仙人禪定

等法

十善業道經

右佛在龍宮說十善業因果功德
大智度論一百卷 作字至正字

右龍樹菩薩造釋大般若經富詞妙辯理
精事廣西域學者無不欽崇什法師云余

若廣譯千卷有餘爲秦人識劣十分存一
蓋從略也故至三十八卷纔譯初品云

十地論十二卷 空

右天親菩薩造釋華嚴經中十地品

大乘寶積經論四卷 谷

右解釋寶積第四十三會

彌勒菩薩所問經論六卷

右解寶積經中第四十一會第五卷解十

二支因緣義甚詳

寶髻菩薩四法經論優波提舍

卷五

右天親菩薩解釋大集經四十七會寶髻

菩薩品優波提舍此名論

佛地經論七卷 傳

右親光菩提造經說五法爲佛地一清淨

法界二大圓鏡智三平等性智四妙觀察

右功德施菩薩造論釋經

智五成所作智經詮此理論詳解釋

金剛般若經論三卷

右無著菩薩造論釋經

能斷金剛般若波羅密多經論頌

右無著菩薩造頌釋經

金剛般若波羅密多經論三卷 聲

右天親菩薩造論解經

金剛般若波羅密經破取著不壞假名論二

卷

右功德施菩薩造論釋經

能斷金剛般若經論三卷

右無著菩薩造頌釋經世親菩薩釋義

文殊師利問菩提經論二卷

右天親菩薩造論解經

妙法蓮華經優波提舍

右天親菩薩造論略釋法華經義廿五

法華經論二卷

虛

右天親菩薩造論釋經

遺教經論

右天親菩薩造論釋經

永樂北藏

勝思惟梵天所問經論三卷

右天親菩薩造論釋經

三具足經論

右天親造論三具足者一施二戒三聞具攝衆行解釋三法門事甚詳而經本未譯

轉法輪經優波提舍

右天親說佛成道已爲五比丘等及諸天人初轉法輪優波提舍此云義門

涅槃經論

涅槃經本有今無偈論

大藏聖教法寶標目

第一七七冊

右皆天親造論略釋涅槃義

無量壽經論

右天親作偈復作論釋偈說極樂國功德
莊嚴種種勝妙勸求往生詞簡義廣理事

圓具

音釋

續胡對切與鉛與畢切及蒲發繪同畫也黑錫也風切

岱

大藏聖教法寶標目卷第五